

REGIONAL NEWS BULLETIN

HEADLINES (EVENING)

- 1. Mizorama Village Council leh Local Council inthlan vote thlak chu tukin dar 7 atang khan boruak muanawm tak hnuaiah tan a ni a, ruahmanna engkim tluang taka kalpui a ni.
- 2. Vawiina Local Council leh Village Council inthlan a vote tla te chu zanin dar 7:00- a chhiar nghal a ni ang.
- 3. Prime Minister Narendra Modia leh French President Emanuel Macron te chuan vawiin khan Marseille-a India Consulate hmasa ber an hawng.
- 4. Maldives atanga lo kal Parliament member te chuan vawiin khan Vice President Jagdeep Dhankar an hmu.

<><><>

VC/LC ELECTION

Mizorama Village Council leh Local Council inthlan vote thlak chu tukin dar 7 atang khan boruak muanawm tak hnuaiah tan a ni a, ruahmanna engkim tluang taka kalpui a ni.

State Election Commissioner Dr H Lalthlanglana chuan tlai dar 4 –a vote thlak hman lo, polling booth hung chhunga awm thahnem tak an awm a, tun thlenga vote thlak mek te an awm a ni. Hetiang anih avang hian vote tla zat chiah chhinchhiah hleihtheih a la ni lova, hmun thenkhatah vote zaa 90 tlakna te a awm nual a, tun dinhmunah a tla chhe pawl pawh zaa 64 te anih avangin, vote tla zat hi a chhiat lutuk a rinawm loh tih Pu Lalthlanglana chuan a sawi a ni.

<><><>

SEC

Mizoram State Election Commission chuan vawiin a Mizoram chhunga Local Council leh Village Council inthlan a vote tla te chu zanin dar 7:00- a chhiar nghal a nih tur thu an sawi.

Mizoram State Election Commissioner Dr. H Lalthlanglian Akashvani News a hrilh danin zanin dar 7:00-a vote la thlak zo lo te tan vote thlak zawh atanga darker chanve hnua vote chhiar tur a ni a, vote tla te hi vote thlakna hmuna chhiar nghal vek tur a ni a, a tam zawk chuan zaninah vote an chhiar zawh hman rin a ni a ti.

State Election Commissioner chuan Lunglei District-a Lalnutui khua a MNF candidate-a thih avangin Lalnutui khua bikah Village Council inthlan

chu tun thla ni 13-a neih a nih tur thu a sawi bakah Aizawl Lawipui Venga Congress Candidate a thih avangin Lawipui veng bikah Local council inthlan chu tun thla ni 14-a neih a nih tur thu a sawi baw a, ZPM Candidate ve ve Lawipu leh Thiak a boral ta te erawh chu candidate list tarchhuah hma a thi an nih avangin an aiawh ruat a tihfel an nih thu leh inthlan a ti sukuk lem lo tih Dr. H. Lalthlanglana hian a sawi baw.

State Election Commission chhinchhiah danin Pi Nokungi kum 107, College Veng chu vawiin vote thlak zinga kum upa ber a ni.

Mizoram State Election Commission Deputy Secretary Pu Vanlalchhuanawma Chawngthu chuan Village Council leh Local Council inthlan tluang taka neih a ni chu lawmawm a tih thu a sawi.

<><><>

POL PARTY LEADERS

Mizorama Village Council leh Local Council inthlanah vawiin khan Political party hrang hrang hruaituten vote an thlak a, party hrang hrang hotute hian vote an thlak kima ngaih a ni.

Chief Minister Pu Lalduhoma chuan an veng Chawlhmun Polling Station ah a thlak a, chak ngei an inring tih sawiin inthlan sawn hma chuan nghawng lian lutuk a neih a rinloh thu a sawi a, hun chep tak karah State Election Commission inbuatsaihna felfai atih thu sawiin vote thlak pawh an that a beisei thu sawiin venhimna hna thawktute chungah leh khua leh tui tha an nihzia tilanga vote thlaktu zawng zawng te chungah lawmthu a sawi baw a ni.

MNF President Pu Zoramthanga chuan Ramhlun Venglai Polling Station ah vote a thlak a, inthlanna felfai tak tluang taka neih anih a beisei thu a sawi a, MNF in seat tam tham tak lak an beisei tih sawiin rorellai ZPM chu hun reilote an sawrkar hnuah mipuiin an rorelna hnuai kun hrehawm anti tih sawiin opposition lamah awm mahse MNF chuan seat tam tak an lak a ring a ti a, VC term pawt tawia inthlan a ngai chu thil fello a awm tih sawiin hun lo awm zelah sawrkar la awm tur ten VC term tih danglam a hlauhthawnawm tih sawiin nakin zelah thil paw zawk ala thleng thei tih a sawi.

MPCC President Pu Lal Thanzara chuan Zarkawt Polling Station ah vote thlak in tluang taka vote thlak anih a beisei tih a sawi a, ZPM sawrkar chu an intiam angin an awmlo tih sawiin Congress sawrkar laia ram rohlu alo siam tawh hralh turin hma a la thin a ti a, an intiam anga an awmloh dan hriat a pawimawh a ti.

<><><>

LADC

Nikum May ni 7 atanga Lai Autonomous District Council a Congress leh MNF Party Sorkar intawm chu a tlu a, vawiin khan Chief Executive Member Pu C.Lalmuanthanga’n banna Governor hnen ah LADC Chairman Pu VL Hmuaka kaltlangin a thehlut a ni.

Mipui thlan member 25 awmna LADC ah Congress leh MNF Party ten United Legislature Party dina thla riat leh tlem Sorkarna an chelh hnu ah ZPM Legislature Party leh an mahni thlawptu pahnih nen Member 13 nei chuan LADC a Sorkar dinglai chuan thlawptu a ngah tawklo tih Governor-a an thlen hnu ah, Governor ruahmanna angin vawiin chawhma dar 10:30 khan LADC

Emergency Session kohvin Floor Test neih tura tih ni mahse, Session ah Chairman Pu VL Hmuaka chuan Chief Executive Member Pu C.Lalmuanthanga chu CEM atanga a ban thu House ah puangin, Sorkar dinglai a tluk thu a sawi a, Floor Test neih ngai a nih tak loh vangin Session a titawp a ni.

LADC Chairman Pu VL Hmuaka chuan Lawngtlaia Akashvani palai zawhna chhangin, LADC ah Sorkar thar dintur chuan Governor hnen ah Sorkarna siamturten an thlen leh phawt a ngaih thu a sawi a, Hetihlai hian United Legislature Party atanga ZPM thlawptu Elected Member pahnih Pu V.Zirsanga leh Pu Lallawmsanga Apetow te chuan MNF Party atanga banna nimin khan an thehlut a ni.

Dan pangai ang chuan kumin kumtawp lam ah LADC ah hian Inthlanpui neihtur a ni.

<><><>

ARMS HAUL IN SOUTH MIZORAM

Village Council leh Local Council inthlan kaihhawiha venhimna kenkawh kawnga beihpui thlakna kal zelah Lunglei SP Jerome Lalmuankima hma laknain District Special Branch te chuan Dan kalha tawlhruk Silai leh a mu tam tham tak an man.

Lunglei District Special Branch leh Excise & Narcotics tangdunin an man hi Thenzawl atanga lokal lirthei pakhat atangin a ni a, Lunglei Bazar area ah man niin dan kalha tawlhruk an man te hi AK 47 pahnih, M4 Carbine panga leh a magazine 20 bakah silaimu thahnem tak leh Pawisa fai Rs. 49,550/- leh ID card, ATM Card, Sim Card leh Mobile phone panga an man a, hemi kaihhnawihah hian Roni Chakma (kum 45) Tripura lam mi leh Anirban Chakma (kum 34) Lawngtlai District ami leh Ribeng (kum 24) Lunglei ami te chu man an ni a, Tun tuma Silai leh a mu man te hi Mizoram ah vawi khat a Silai leh a mu man tam ber tum te zing ami ni a hriat a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihtlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

PM IN FRANCE

Prime Minister Narendra Modia leh French President Emanuel Macron te chuan vawiin khan Marseille-a India Consulate hmasa ber an hawng. Vawiin vek khan hruiatu pahnihte hian Marseille-a India mi te hun an hmanpui bawka. Mazargues Wara Cemetery ah Indopui pakhatna leh pahnihnaa India sipai thi hriatrengna hmun an tlawh bawka a ni.

Puan tawh angin Prime Minister Narendra Modia hian nizan khan AI Action Summit ah thu sawiin AI-in thil a thlak danglam theih dan tarlangin tun kum zabia mihringte awm dan tur duang thei tu a ni a ti.

Pu Modia chuan mihringten AI thatna an tel vek theih nan khawvel ramte thawhhona tha neih a tul thu a sawi a ni.

Paris khawpuia Grand Palais-a khawvel huap AI chugnchang sawihona AI Summit-ah hian Prime Minister Narendra Modia chu French President Emanueal Macron nen Co-Chair an ni a. PM Modia chuan President Macron-an AI Summit a thleng chu lawmawm atih thu sawiin eibar zawinna, venhimna leh khawtlang nunah nghawng tha tak a thlen ang a ti bawk.

<><><>

MALDIVES

Maldives atanga lo kal Parliament member te chuan vawiin khan Vice President Jagdeep Dhankar an hmu. Maldives MP te hi an Speaker Abdul Raheem Abdulla hoa lo kal an ni a. An inkawm chhungin India leh Maldives inkara thawhdunna leh inlaichinna hrang hrangte an sawiho a. Hei bakah hian Parliament membrete inpawh lehzualna tur mipuite intlawhpawh theih dan tur an sawiho a ni.

<><><>

ENERGY

Union Pertroleum and Natural Gas Minister Hardeep Singh Puri chuan khawvel energy hmanral zawng zawng atanga India hmanral zat chu kum 2050 ah chuan a let a ni tawh ang a ti. India Energy Week ah he thu hi sawiin Pu Puri chuan India-in energy-a sumdawnnaah dinhmun tha tak a chang tawh a ti a. Khawvel energy sumdawnnaah a lailum luahin khawvel mihring zaa 17 chu India mi an ni tawh a ti a. Hei vang hian India chu khawvela tuialhthei hmang tam ram pathumna niin LNG lakluh tamah palina a ni tawh a ti a. Kum zabi 21-a khawvel energy dinhmun siamthat chu thil pawimawh tak a ni ang a ti bawk.

<><><>